

# Acta de la Asamblea Xeneral del Unión Club Ceares

**38 presentes**

417, 99, 21, 375, 28, 303, 83, 22, 228, 230, 95, 55, 101, 195, 94, 184, 249, 229, 348, 366, 296, 135, 61, 58, 173, 167, 118, 90, 107, 77, 183, 54, Fer, Vítor Gaiteru, Monchu, Marcos, Patxi, Oswaldo

## Composición de la mesa:

- **Presidente:** Alberto Álvarez García
- **Vicepresidente:** Jairo Aranda García
- **Secretariu:** Carlos Baragaño García
- **Tesoreru:** Fernando Antuña Montes
- **Vocales :** Gerardo Rodríguez Álvarez, Iñigo Arza, Roberto Colunga, Marcos XX, Borja Cantora

Nel Bar "Rias Bajas", a les 20:00 hores, en **segunda convocatoria**, el día 04 de xineru de 2024 va reunise l'**Asamblea Xeneral Ordinaria de Soci@s**, para tratar l'orde del día que bien darréu:

1. APREBACIÓN DEL POSTRERU ACTA
2. APARTÁU ECONÓMICU (Información Xeneral, Cambeos grupu admin)
3. APARTÁU DEPORTIVU (UCC, GFF, VCF)
4. CONVENIOS Y FILIALIDADES
5. SOCIAL / INSTITUCIONAL (Cambeos directiva)
6. ENTRUGUES / ALDERIQUE

## 1. LLECTURA YA APROBACIÓN DEL POSTRERU ACTA

Aprébase per unanimidá.

## 2. APARTÁU ECONÓMICU

Infórmase de qu'Omar, que fasta agora vinía faciendo les llabores alministratives, tiene de dexar de facer diches funciones pola mor de tener que colar d'Asturies por motivos laborales. Xosé va asumir tola carga d'esti llabor y reincorpórase a la xunta direutiva.

Infórmase de la correición de tres puntos alrodiu'l presupuestu pa cuadrar les cuentas y úfrese información al respetu na secretaría del club. Tamién infórmase d'ello al traviés del grupu oficial de soci@s.

Esti ye'l primer añu dende abenayá que baxamos de 400 soci@s, infórmase del esmolecimientu de la masa social que s'incorpora pol fútbol base de Veriña, y de qu'entovía asina, siguen quedando soci@s pol camín. L'añu qu'entra va tener que dase una ampliación de 10.000 euros, auméntense las mensualidades de 9 (9,5) a 10.

Recálcase-y a la masa social la importancia que tien la captación tanto de soci@s como de sponsors, sobre manera no que cinca al sponsor principal, ya que tamos n'añu de renovación. L'asistencia, entovía asina, ye bona, y sollíñase que ta habiendo perbones entraes no que va de temporada. Entovía asina, l'añu viniente podríamos tar empobinaos a manexar un de los presupuestos más baxos de la categoría. Los 37.000 euros al añu d'impulso 27 siguen amarraos. Va tenese una reunión col que ye agora conceyal de deportes pa negociar el conveniu col ayuntamiento de Xixón.

Valórase l'aumentu del preciu del abonu. Alviértese de la necesidá d'averar a la mocedá al club.

### **3. APARTÁU DEPORTIVU**

**GFF** – L'equipu ta a 6 puntos de caltenese na categoría, aportaron refuerzos d'iviernu y el mou nel que se tan perdiendo los partios convida al optimismu pese a los resultaos.

El Manuel Rubio da'l paso pa que'l fútbol base del GFF comparta los Pericones al 50% con una ampliación d'instalaciones comprometida pol ayuntamientu. Aprovéchase pa solliñar la bona sintonía qu'hai cola nueva direutiva del club y la implicación de la AVV "Esto Ye Ciales".

**UCC** – Nel mercáu d'iviernu infórmase del regresu de Mario Buelga, que ya entrena col club. Nun hai movimientu dalu a la vista al respetu d'altos y baxes. Matteo ya toca balón otra vegada depués de la so grave mancura pero fasta lo cabero la temporada nun s'espera cuntar con elli. Guille ya Péramos llamen l'atención a la masa social pol so baxu rendimientu y infórmase sobre los sos particularidades darréu la mancura.

**VCF** - Monchu informa sobro'l nivel d'esixencia altu y que tolos equipos en primera categoría tan compitiendo y tentando de caltener les sos respetives categoríes, nún añu nel que se persabía que diba lluchase por ello fasta'l final. Muchos de los equipos que xueguen en segundes categorías tan amás en puestos d'ascensu. Valórense como positives toes les convocatories de xuveniles col primer equipu y que de momentu nun afeuten al devenir del primer equipu del Veriña. A la entruiga d'un sociu (XX) fálase sobro los beneficios del conveniu, ya a la llarga y cola perspeutiva de resultaos non namás que deportivos, depués d'estos primeros años.

### **4. CONVENIOS Y FILIALIDADES**

Plantéase la posibilidá de facer filial al Manuel Rubio y expónense los beneficios de poder cuntar con esi equipu por baxo, teniendo la posibilidá de xubir xente d'esti rexonal y allixerar asina la carga de xubir xuveniles del Veriña. Les condiciones col Veriña nun van camudar res, de fechu sedría un complementu. Puntualízase sobro la idega de que'l conveniu seya pa aprovechamientu sobre manera del equipu rexonal. Dellos socios entruguen pola filialidá del Aboño y coméntase lo fallido del proyeutu por estremaes circunstancies.

Votación filialidá Manuel Rubio, entamar el procesu (Sí - 35 / Non - 0 / Abstenciones 3)

### **5. SOCIAL / INSTITUCIONAL**

Votación cambeos na direutiva, Xosé IN (Apruébase por unanimidá)

### **6. ENTRUGUES / ALDERIQUE**

Entámase un alderique alrodiu les obres en frente La Cruz y la dificultá que supón pa l'aparcamientu qu'enantes se topaba ellí. Víctor d' "Esto Ye Ciales" comenta que la asociación va tener una reunión col ayuntamientu pa intentar establecer opciones d'aparcamientu pa los díes de partíu y tamien pa los vecinos del barriu.

"Levantase la sesión a les 21:05 horas".

Vº Bº EL PRESIDENTE

EL SECRETARIO

Fdo.: Alberto Álvarez García Fdo.:

Carlos Baragaño García